

# Tîm Cefnogi Myfyrwyr

---

## Nod

Bwriad y Tîm Cefnogi Myfyrwyr yw galluogi myfyrwyr a'u helpu i gyflawni eu potensial trwy ddarparu amrywiaeth o wasanaethau cefnogi. Bydd y gwasanaethau hyn yn helpu i leddfu pryderon myfyrwyr a'u paratoi i wneud penderfyniadau ar sail gwybodaeth fel y gallant ganolbwyntio ar eu hastudiaethau a'u bywyd yn y brifysgol. Bydd Gwasanaethau Cefnogi Myfyrwyr yn cysylltu â staff academiaidd, gwasanaethau cefnogi eraill y brifysgol ac asiantaethau allanol i sicrhau cyfeirio effeithiol ac i gefnogi dull integredig mewn perthynas â lles myfyrwyr. Mae staff yn y gwasanaethau cefnogi myfyrwyr yn gweithio ar draws y Brifysgol i gyfrannu gwybodaeth at ddatblygu polisiau ac arferion sy'n gysylltiedig â lles myfyrwyr.

## Swyddfa Tai Myfyrwyr

### Nod

Darparu canolbwynt ar gyfer anghenion/problemâu myfyrwyr yn y sector tai preifat, yn rhoi'r gallu iddynt wneud penderfyniadau ar sail gwybodaeth gan gymryd y boen allan o chwilio am dŷ.

### Amcanion

Darparu'r cyfleuster diweddaraf i chwilio am eiddo sydd wedi cofrestru gyda swyddfa tai'r brifysgol

Annog perthynas gytûn rhwng y tenant a'r landlord a rhoi cyngor am ddulliau priodol o weithredu os bydd y berthynas yn dirywio.

Cael y wybodaeth ddiweddaraf am ddeddfwriaeth tai trwy ddatblygiad proffesiynol parhaus a rhoi'r wybodaeth honno i fyfyrwyr a landlordiaid

## Cymorth ariannol

### Nod

Mae'r uned cefnogaeth ariannol yn rhoi gwybodaeth, cyngor a chanllawiau i ddarparu fyfyrwyr a myfyrwyr sydd wedi cofrestru ynglŷn â'u cyllid. Fel rhan o'r Tîm Cefnogi Myfyrwyr, mae'r uned cefnogaeth ariannol yn cefnogi amcanion ehangach y brifysgol mewn perthynas â recriwtio, ehangu cyfranogiad, cadw myfyrwyr a sicrhau cynnydd, ac mae wedi ymrwymo i hybu hyder y myfyrwyr yn eu gallu i reoli eu cyllid yn llwyddiannus, cyflawni eu llawn botensial a chyfoethogi eu profiad fel myfyrwyr.

## Amcanion

Trwy gymryd rhan yn y rhaglen Meddygon Arian, sydd a'r nod o hyrwyddo gallu ariannol o fewn addysg uwch, mae staff yn ceisio galluogi myfyrwyr i reoli eu cyllid cyn iddynt fynd i drafferthion. Mae gan gynghorwyr yr uned cefnogaeth ariannol y wybodaeth, y sgiliau a'r adnoddau i ddysgu a helpu myfyrwyr ac annog dulliau ataliol o weithredu.

Sicrhau bod myfyrwyr cael y cwbl y maent yn gymwys i'w gael a'u helpu i gyllidebu.

Gweinyddu'r Gronfa Caledi Ariannol a'i dyrannu'n briodol.

Trwy gysylltu gyda CBM/Cyllid Myfyrwyr ac asiantaethau allanol eraill i helpu i ddatrys unrhyw anawsterau.

## Cydraddoldeb ac Amrywiaeth Myfyrwyr

### Nod

Mae'r Swyddog Cydraddoldeb ac Amrywiaeth Myfyrwyr yn gweithio i sicrhau bod arfer gorau ar waith ar draws y brifysgol o ran atal aflonyddu ar fyfyrwyr, troseddau casineb a thrais rhywiol, a rhoi cefnogaeth i rai sy'n dioddef hynny. Mae'r gwasanaeth yn darparu cyswllt canolog arbenigol i roi cefnogaeth i fyfyrwyr sy'n dymuno datgelu digwyddiadau yn ogystal â llwybr adrodd agored i'r rhai sy'n dymuno adrodd yn ffurfiol. Trwy weithio'n egniol mewn partneriaeth, mae'r Swyddog Cydraddoldeb ac Amrywiaeth Myfyrwyr yn arwain dull gweithredu strategol i roi Polisi Goddef Dim Aflonyddu'r Brifysgol ar waith, gan gefnogi nodau strategol ehangach y Brifysgol o ddal gafael ar fyfyrwyr a gweld cynnydd yn eu hastudiaethau.

### Amcanion

Rhoi cyngor, arweiniad a chefnogaeth arbenigol yn achos pob math o drais rhywiol, aflonyddu, troseddau casineb a hiliaeth.

Cynnig ymyriadau anffurfiol i herio a mynd i'r afael â mathau llai difrifol o aflonyddu, os mai dyna ddymuniad y myfyriwr.

Cynnig arbenigedd i'r brifysgol ar arfer gorau cyfredol yn ymwneud â chefnogaeth ac atal ac arwain ar ddatblygiad parhaus strategaeth i'r sefydliad drwyddo draw.

Gweithio gyda chydweithwyr ar draws y brifysgol i gyfleu disgwyliaidau'n glir am ymddygiad myfyrwyr a'u hyfforddi a'u cefnogi i ymateb yn effeithiol i bob datgeliad am aflonyddu, trais rhywiol, troseddau casineb a hiliaeth.

Arwain ar gydlynu hyfforddiant i wlyedyddion i'r corff myfyrwyr.

Llunio a lledaenu polisiâu priodol i greu sylfaen i amcanion strategol ehangach y gwasanaeth.

## Bylchau mewn astudio/tynnu allan

### Nod

Mae'r gwasanaeth un i un hwn yn rhoi cyfle i'r holl fyfyrwyr israddedig sy'n ystyried cael bwlch neu dynnu allan o'u hastudiaethau chwilio am ffyrdd o aros ar eu cyrsiau lle bo modd. Lle nad yw'n bosibl iddynt barhau gyda'u cwrs, nod y gwasanaeth yw sicrhau y gallant adael neu gael bwlch yn eu hastudiaethau mewn ffordd mor gadarnhaol ag y bo modd sydd ddim yn fwrn arnynt.

## **Amcanion**

Galluogi myfyrwyr i wneud penderfyniadau gwybodus trwy roi gwybodaeth glir am y goblygiadau ariannol ac ehangach o adael neu amharu ar eu hastudiaethau

Cysuro myfyrwyr bod digwyddiadau annisgwyl bywyd a'r effaith y gallant gael ar allu myfyrwyr i ganolbwynt ar eu hastudiaethau yn rhywbeth arferol.

Cynnig gwasanaeth proffesiynol i weithredu bylchau mewn astudiaethau neu dynnu allan o astudiaethau

Sicrhau bod myfyrwyr yn gwybod am yr amrywiaeth o bosibiliadau sydd ar gael iddynt a'r cyfyngiadau

Trwy gasglu data ystadegol yn wythnosol mae'r tîm yn gallu adnabod unrhyw dueddiadau a rhoi sylw i unrhyw broblemau ar unwaith.

[Stephanie Barbaresi](#)

Pennaeth Cefnogi Myfyrwyr